


14343

huy.



2790_ա

~~2790~~
234

ԿԱՆՈՆՆԵՐ

ՆՈՐ-ՆԱԽԻՋԵԻԱՆԻ Ս. ԽԵԶ ՎԵՆԶԻ ՎԵՆԵԿԱՆ ԿԱՌԱՎ-
ՎԱՐՈՒԹԵԱՆ:

14343



14343

ՆՈՐ-ՆԱԽԻՋԵԻԱՆ
Իրան Սերովքէ Աւագանի
1907

Իսկականին վերայ ստորագրած է. «Զայս նա-
խագիծ հաստատեմ և տամ 'ի հիշդ գործա-
դրութիւն իբրեւ առժամանակեայ փորձ՝ մինչև
ի Բարձրագոյն Հոգևոր Իշխանութեան կող-
մանէ տացի նոր հրահանգ և կանոնադրութիւն
վան կառավարութեան վանօրէից մերոց ընդ-
հանրապէս: 'ի 10 Յուլիսի 1907 ամի:
Առաջնորդ Թեմի Ներսէս արքեպիսկոպոս.

Տ. 4.

ԿԱՆՈՆՆԵՐ

ՆՈՐ-ՆԱԽԻՋԵԻՆԻ Ս. ԽԱԶ ՎԵՆՔԻ ՎԵՆԵԿԵՆ ԿԼՈՒ-
ՎԱՐՈՒԹԵԱՆ:

Ա. ՆՊԱՏԱԿ.

Յօդուած 1. Նոր-Նախիջևանի Ս. Խաչ վանքի
Վանական կառավարութեան նպատակն է — ա) կա-
ռավարել վանքապատկան գոյքերը, կալուածները և
այլ հաստատութիւնները, և բ) հոգ տանել այդ կալ-
ուածների արդիւնաբերութեան ու վանքի բարեկար-
գութեան:

Բ. ՄԻՋՈՑՆԵՐ.

Յօդ. 2. Վանական կառավարութեան ձեռքն ե-
ղած զրամական միջոցներն են — ա) վանքապատկան
անշարժ կալուածների արդիւնքը. բ) Դրամագլխի տո-
կոսները, և գ) նուիրատուութիւններ և այլ պատա-
հական եկամուտներ:

Գ. ԴՐԱՄԱԳԼՈՒԽ.

Յօդ. 3. Ընդհանուր մուտքի 5—10 տոկոսը կ'ազմում է պահեստի գումար, իսկ մնացեալը ծախսելի:

Ծանօթ. Պահեստի գումարի գործադրութեան տեղը թողնուած է վանական կառավարութեանը, պատգամաւրաց ժողովի համաձայնութեամբ:

Դ. ՎԱՆԱԿԱՆ ԿԱՌԱՎԱՐՈՒԹԻՒՆ.

Յօդ. 4. Վանական կառավարութիւնը կազմւում է հինգ անդամից, որոնց մէկն ինքը վանահայրն է, իսկ չորսը, երկու անձնափոխանորդով, ընտրուած են Նոր-Նախիջևանի եկեղեցական Հոգաբարձութեան Ծխական Պատգամաւորաց ժողովի կողմից՝ երեք տարի ժամանակով: Վանական կառավարութեան անդամները հաստատուում են Թեմական Առաջնորդից:

Յօդ. 5. Վանահայրը կամ նրան պաշտօնապէս փոխարինող հոգևոր անձը ըստ օրինի նախագահ է վանական կառավարութեան, իսկ միւս պաշտօնները որոշում են իրանց մէջ:

Յօդ. 6. Վեց ամիս նիստերին չը մասնակցող անդամը պաշտօնից հրաժարուած է համարուում, որի տեղը ընտրւում է անձնափոխանորդը: Վանական կառավարութեան նիստերին հրաւիրուում են նաև անձնափոխանորդները՝ խորհրդակցական ձայնով. անդամների բացակայութեան դէպքում անձնափոխանորդները նիստերում վայելում են ձայնի իրաւունք:

Յօդ. 7. Վանական կառավարութեան ընտրեալ անդամներն իրենց պաշտօնը ձրի են վարում՝ բացի վանահօրից, որը ստանում է Հոգևոր Իշխանութեան

կողմից նշանակուած ռոճիկ, սնունդ և վառելիք:

Յօդ. 8. Վանական կառավարութեան նիստերն օրինական են, եթէ ներկայների թիւը երեքից պակաս չէ:

Յօդ. 9. Վանական կառավարութիւնը խնդիրներ չի բերում է և պատշաճ որոշումներ անում՝ ձայների պարզ առուելութեամբ. նախագահի ձայնը գերակշռութիւն է տալիս ձայների հաւասարութեան դէպքում:

Յօդ. 10. Վանական կառավարութիւնը իւրաքանչիւր տարուայ վերջերին կազմում է վանքի ամէն տեսակի ելեմուտքի նախահաշիւը առաջիկայ տարուայ համար, որ և Պատգամաւորական Ընդհանուր ժողովի կողմից ընդունուելուց յետոյ մատուցւում է Թեմական Իշխանութեանն ի հաստատութիւն:

Յօդ. 11. Վանական կառավարութիւնը տարուայ սկիզբում կազմում է նախընթաց տարուայ ելումուտքի և իւր գործունէութեան մանրամասն հաշիւը և, ոչ ուշ քան մարտ ամիսը, ներկայացնում է այն Պատգամաւորաց ժողովին և Հոգևոր Իշխանութեանն ըստ սահմանելոյն:

Յօդ. 12. Վանական կառավարութիւնը տարին առնուազն պիտի ունենայ տասը նիստ, Նոր-Նախիջևանում կամ Ս. Սալ վանքումը, ըստ յարմարութեան:

Յօդ. 13. Վանական կառավարութիւնը պահում է նիստերի արձանագրութեան և պարզ հաշուապահական մատեաններ, բացի Հոգևոր Իշխանութեան կողմից տրուած ժապաւինեալ մատեաններից, ևս և վանքի շարժական ու անշարժ կայքի ցուցակը (ինվինտար):

Յօդ. 14. Վանքի ծառաներին և եկեղեցու սպառաւորներին վարձելու և արձակելու իրաւունքը վանահօրն է պատկանում:

Ե. ՔՆՆԻՉ ՅԱՆՉՆԱԺՈՂՈՎ:

Յօդ. 15. Եկեղեցական Հոգաբարձութեան Ծխական Պատգամաւորաց Ժողովը Վանական Կառավարութեան չորս անգամից ղատ՝ ընտրում է նաև երեք հաշուատես երեք տարի ժամանակով, որոնց պարտականութիւնն է քննել ելումտից մատեաններն ու հաշիւները՝ առնուապն տարին մի անգամ: Քննիչ Յանձնաժողովի անդամները հաստատում են թեմական Առաջնորդից:

Զ. ՊԱՏԳԱՄԱԽՈՐԱՅ ԺՈՂՈՎ:

Յօդ. 16. Նոր-Նախիջևանի Եկեղեցական Հոգաբարձութեան ծխական պատգամաւորները համարւում են նաև Վանական Կառավարութեան Ընդհանուր Ժողովի պատգամաւորներ:

Յօդ. 17. Ծխական պատգամաւորների թէ սովորական և թէ արտակարգ ընդհանուր ժողովները գումարւում են Վանական Կառավարութեան որոշման համաձայն, նորա նախագահի հրաւերով: — Պատգամաւորական Ընդհանուր Ժողովը օրինական է համարւում, երբ նիստին ներկայ են պատգամաւորների ընդհանուր թուի կէսից աւելին: Առաջին ժողովը չըկայանալու դէպքում, ամենաշատը երկու շաբաթուայ ընթացքում, գումարւում է երկրորդ ժողով, որ և օրինապէս կայացած է համարւում, չընայած նիստին ներկայ գտնուած պատգամաւորների թուին: Պատգամաւորաց Ընդհանուր Ժողովն ինքն է ընտրում իրեն նախագահողը:

Է. ԸՆԴՀԱՆՈՒՐ ԿԱՆՈՆՆԵՐ:

Յօդ. 18. Վանքին պատկանեալ դրամները պահւում են դրամանոցում Վանքի անուանով: Դրամանոցից դրամ յետ ստանալ կարելի է վանահօր և վանական կառավարութեան մի անգամի ստորագրութեամբ:

Յօդ. 19. Այս կանոնադրութեան յօդուածների մէջ փոփոխութիւն, յաւելումն կամ յապաւումն կարող է տեղի ունենալ միայն Պատգամաւորական Ընդհանուր Ժողովի որոշմամբ և Հոգեոր Իշխանութեան հաւանութեամբ և հաստատութեամբ: Կանոնադրութեան փոփոխութեան համար գումարւած Պատգամաւորական Ընդհանուր Ժողովները կայացած կը համարուին, եթէ պատգամաւորների ընդհանուր թուի ²/₃-ը նիստին ներկայ է. իսկ խնդրի լուծումը կարող է տեղի ունենալ ներկայների ³/₄-ի ձայների մեծամասնութեամբ:





ԱՄ Բայազիտական գրադարան



MAL014817

